



Broj: 14-11-2029/22  
Vogošća, 23.01.2023. godine

Na osnovu člana 69. stav 2. tačka e) Zakona o javnim nabavkama BiH ("Službeni glasnik BiH" broj: 39/14 i 59/22) i čl. 71. i 125. Statuta Općine Vogošća ("Službene novine Kantona Sarajevo" broj: 27/14, 14/15 i 9/20), VD Općinskog načelnika dana 23.01.2023. godine donio je

**ODLUKU  
O PONIŠTENJU OTVORENOG POSTUPKA NABAVKE RADOVA NA ADAPTACIJI  
PROSTORIJA MZ SEMIZOVAC**

**Član 1.**

Poništava se otvoreni postupak nabavke radova na adaptaciji prostorija MZ Semizovac, jer su cijene prihvatljivih ponuda znatno veće od osiguranih sredstava za predmetnu nabavku, a u skladu sa članom 69. stav 2. tačka e) Zakona o javnim nabavkama BiH ("Službeni glasnik BiH" broj: 39/14 i 59/22).

**Član 2.**

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

VD Općinskog načelnika je dana 22.12.2022. godine donio Odluku o pokretanju Otvorenog postupka nabavke radova na adaptaciji prostorija MZ Semizovac, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 23.12.2022. godine pod brojem: 1353-1-3-220-3-253/22.

Sažetak Obavještenja o nabavci objavljen je u "Službenom glasniku BiH" broj: 01/23 od 06.01.2023. godine.

Tendersku dokumentaciju sa Portala javnih nabavki BiH je preuzelo 25 (dvadeset i pet) ponuđača.

Krajnji rok za dostavu ponuda bio je 12.01.2023. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 12.01.2023. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 14-11-2029/22 iz decembra 2022. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"RMK engineering" d.o.o. Sarajevo	35.479,50	/	/	41.511,02
2	"Kolinvest" d.o.o. Sarajevo	45.563,70	/	/	53.309,53
3	"Top Tim Tri" d.o.o. Sarajevo	35.493,15	/	/	41.526,99
4	"Galbols" d.o.o. Sarajevo	58.783,20	/	/	68.776,34

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača

- "RMK engineering" d.o.o. Sarajevo,
- "Kolinvest" d.o.o. Sarajevo,
- "Top Tim Tri" d.o.o. Sarajevo i
- "Galbols" d.o.o. Sarajevo

ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom.

Komisija za javne nabavke je zatim pristupila razmatranju finansijskog dijela ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda, nakon čega je utvrđeno da postoji računska grešaka u Ponudi ponuđača "RMK engineering" d.o.o. Sarajevo i Ponudi ponuđača "Top Tim Tri" d.o.o. Sarajevo.

Komisija za javne nabavke postupajuću u skladu sa odredbom člana 17. stav 5. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15) je izvršila ispravku računске greške, te je aktom broj: 14-11-2029/22 od 18.01.2023. godine dostavila na davanje saglasnosti ponuđaču "RMK engineering" d.o.o. Sarajevo i ponuđaču "Top Tim Tri" d.o.o. Sarajevo.

Ponuđač "RMK engineering" d.o.o. Sarajevo je svojim aktom broj: 01-IP/2023 od 18.01.2023. godine dao saglasnost na ispravku računске greške, tako da umjesto ukupne ponuđene cijene u iznosu od 35.479,50 KM bez uračunatog PDV-a, ukupna cijena ponude nakon prihvaćene ispravke od strane ponuđača iznosi 37.894,50 KM bez uračunatog PDV-a.

Ponuđač "Top Tim Tri" d.o.o. Sarajevo u ostavljenom razumnom roku od 24 sata od zaprimanja zahtjeva nije dostavio saglasnost na ispravku računске greške, te je Komisija za javne nabavke postupajući u skladu sa odredbom člana 68. stav 4. tačka g) Zakona o javnim nabavkama BiH ("Službeni glasnik BiH", broj 39/14 i 59/22) i članom 17. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) ocijenila ponudu ponuđača "Top Tim Tri" d.o.o. Sarajevo kao nepravilnu, jer ista nije u skladu sa Tenderskom dokumentacijom.

Na osnovu iznesenog, obzirom da je procijenjena vrijednost nabavke utvrđena TD i kroz Obavještenje o nabavci u iznosu od 35.500,00 KM bez uračunatog PDV-a, Komisija za javne nabavke je utvrdila sljedeće:

Ponude ponuđača:


- "RMK engineering" d.o.o. Sarajevo,
- "Kolinvest" d.o.o. Sarajevo i
- "Galbols" d.o.o. Sarajevo

su u skladu sa članom 2. stav 1) Zakona o javnim nabavkama BiH kao i članom 8.1.6. TD neprihvatljive, jer ponuđena cijena prelazi planirana, odnosno osigurana novčana sredstva ugovornog organa za nabavku.


Iz navedenih razloga, Komisija za javne nabavke je jednoglasno dala preporuku VD Općinskog načelnika da donese Odluku o poništenju otvorenog postupka nabavke radova na adaptaciji prostorija MZ Semizovac, iz razloga jer su cijene svih prihvatljivih ponuda znatno veće od osiguranih sredstava za predmetnu nabavku, a u skladu sa članom 69. stav 2. tačka e) Zakona o javnim nabavkama BiH ("Službeni glasnik BiH" broj: 39/14 i 59/22).

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo



Dostavljeno:

1. "RMK engineering" d.o.o. Sarajevo
2. "Kolinvest" d.o.o. Sarajevo
3. "Top Tim Tri" d.o.o. Sarajevo
4. "Galbols" d.o.o. Sarajevo
5. Nadležnoj Službi
6. U dosije
7. a/a

info@rmk.ba  
info@kolinvest.ba  
info@toptimtri.ba  
galbols.sarajevo@gmail.com